

مجله تاریخی

مطبعه و محل اداره :

جفال اوغلنده امنیت
صندوقی جوارنده
شکول یقوشنده
۲۷ نومرو

مسلمکزه موافق آثار
جدیده مع المنونیه
قبول اولنور

درج ایدله بن آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و شئونه اسوه دینه بحث ایدر و هفته ده بر نشر اولنور .

صاحب و مؤسسلری :

آبونه بدلی

در سعادتده نسخه سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

سنه لکی	التی آیلنی	غروش
۶۵	۳۵	۳۰۰
۶۰	۳۰	۲۰۰
۱۷	۹	۱۰۰

۱۰ تموز ۳۲۴

قیرله دن مقوا بورو ایله کوندر

۲۰ غروش فضله آلنبر

یدنجی جلد

۷ شوال ۱۳۲۹ پنجشنبه ۱۷ ایلول ۱۳۲۷

عدد : ۱۶۰

وشهوات نفسانیه لرینه تبعیت ایتکی اوزارلرچون مقدس بر وظیفه عد
ادرلر . ملتک جهالتدن استفاده طریقو تمقیده دوام ایدنلرک هیچ
بر یسی یوقدرکه برویا بریجه کنده صاحب وخیل ثروته مالک اولامش
ارلسون .

«ایراند سید اولمق ، خان اولمق نه بر اقتدار وخدمته تابعدر ،
زده فضل وهنر . اصل هنر موجود اولان سوء اداره دن استفاده
ایتمکدرکه بونده ایران میقروبلری بویوک بر ملکه و ممارسه کسب
ایتمشدر .»

باکو — نجات

ایتالیانک اولتیاومی

طرابلس غرب مسئله سنک وسائط سیاسیه ایله حل ایدیله بیله جکسه
بائر محافل رسمیه ده اظهار اولونان بوتون امیدلره رغماً نهایت
ایتالیا حکومتی دون باب عالییه بر اولتیاوم تبلیغ ایدهرک طرابلس
نربک یکریمی درت ساعت ظرفنده تخلیه سنی طلب ایتدی .

صوک آیلره کلنجیه قدر مجلس مبعوثاننده خارجیه ناظرینک
اغزندن تورکیه یه قارشى تأمینات صلحچورانه اعطا ایدن ، طرابلس
ارب اوزرنده بر کونا آمال تجاوزکارانه بسله مدیکنه سوز ویرن ،
اتی ده ها دون ، غزته لرده کورولن تدارکات عسکریه خبرلرینک
تورکیه یه جهت تعلق اولمادیغنی بیان ایله یین بر حکومتک بالکمز حقوق
دول قواعدینی دکل ساده جه حیثیت وشرف وناموس ایجاباتی ده
اونوته رق «یا کیسه کی ، یا جانکی !» طرزنده بر حرکت قیام ایتیمسی
نیه یوق که ممالک عثمانیه نک هر طرفنده پک حقل ، پک مشروع
غلیان نفرت وعداونه سبب اولاجقدر .

بویله بر اولتیاوم قارشیدنده حکومت عثمانیه نک بوضع انقبادکارانه
آله جنفی ظن ایتک بویوک بر خطا اولوردی . چونکه بر دولت محو
اوله ییلر فقط اتجار ایده مز . تورکیه اوغرا دینی حقسز تجاوزدن
تولد قوتلی بر حس غیظ وانتقام ایله یکوجود اوله رق ایتالیایه قارشى
نافعه ناموس ووطن ایچون حرب ایتکدن باشقه برشی دوشونمیه جکدر .

دونامامزک هنوز وجود بولامش اولماسی حسیله کندیسندن
فرق الی درجه قوتلی بر دشمن ایله بالکمز باشنه چارپیشمه ترک
ایتدیکمز سوکیلی طرابلس غربمک وظیفه وطنیه سنی ایفا ایده جکسه
بزمین اولدیغمز کی اوراده ناموس وطنی محافظه ایچون قان دوکه جک
ایسلان قارداشلر مزده هیچ بروقت مادر وطنک اونلری تخلیص
وغورنده هرفدا کارلقدن کری دورمایه جفته امین اولایلرلر .

اگر ایتالیایلر بزم طرابلس غربی بالکمز شکلاً مدافعه ایدر
ای کورونه نک بر ایکی کله تعاطیسندن صوکره باریشیوره جکمز
افمین ایتمشلرسه بو حسابلرنده پک چوق آلدانش اولاجقلرینی

کوره جکدر . شو دیققدن اعتباراً عثمانیلرله ایتالیایلر
آراسنده ایکی ملتدن بری محو اولونجه یه قدر دوام ایده جک دهشتلی
وغفو ایتز برکین وغرض باشلا یور . بویکین وغرضه دنیا ده مساوی
اولا بیله جک برشی وارسه اوده بوتون ایتالیانلره قارشى حس
ایتدیکمز نفرت واستکراهدر .

شو صیراده درین بر حس اضطراب ایله چیرپینان عثمانیلرک
حس ایتدکری اذا ایتالیانلره آرامزده حال حرب تحدت ایتمش
اولدینی ایچون دکدر . دمیر بر قفسه قاپاندینی ایچون قوردلرک
هجومنه واستهزاسنه اوغرایه رق مدافعه نفسه امکان کوره مهین
ارسلانک جکدیک عذابدر . آه ایتالیانلره بر قارشى مسافده هم
حدود اولسه ایدک ! ایشه بویکون بوتون عثمانیلرک صیقلمش ،
دارامش سینه سندن چیقان صیحه انتقام .

مع مافیه بز هر واسطه یه مراجعت ایدهرک بو انتقامی آلاجز .
هریرده ایتالیانلره چارپیشه جغز . بویکوندن اعتباراً ایتالیانلره هر
مناسبتمز منقطع اولمشدر . بوندن صوکره مملکت مزده بر ایتالیانک
چهره سنی کورمیه جکز ، بوندن صوکره مملکت مزده بر ایتالیان بایراغک
بر سفینه اوزرنده دالغه لاندینی کورمیه جکز ، بوندن صوکره بر ایتالیان
مالک عثمانی الکاسنده بر باره ایتدیکنی کورمیه جکز . بوندن صوکره
ایتالیا نامی تلفظ ایدلرکی زمان عثمانیلرک قلبنه برکین وانتقام آتشی
قاینا ه جق ، بوغازندن قیصیق بر صدای غیظ ونفرت چیقاجق . بوندن
صوکره دوغاجق عثمانی جوجقلرینک نمیسنی ایشه بویکین وانتقام
صیحه لری تشکیل ایره جک و بوملت ، اکر بوملتده ذره قدر حب
نفس ، حیثیت وحیت وارسه ایتالیان انتقامی آلاجز . بوندن
صوکره عثمانیلرک ال برنجی سائق حیاتی بو حرص انتقام اولاجقدر .
عثمانیلر بوندن صوکره بو انتقام ایچون یاشایه جق ، بونک ایچون
حاضر لاه جق والته انتقامی آلاجز . هایدی وطن داشلر ، کال
مئات وسکونتله وظیفه باشنه !

شئون

«مقادو» حضرتی «یکین» ده

ژاپونیا ایمپراطوری «مقادو» حضرتلرینک ۱۹۱۲ سنه سنده
چین پای تختی زیارت ایده جکنی روس غزته لری منابع موثوقه دن
استخبار اولندیغنی قید ایدهرک یازیورلر . بوسیاحت تحقق ایدرسه
عالم سیاستده غایت بیوک براهیتی حائر اوله جنی ظن اولنیور . ژاپونلرک
موفقیات متوالیه لرینه بر موفقیت ده اضم اولنیور دیمکدر «کلاز داد
تکرا ، ازداد حسنا»